

T-8

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 20. vanrednoj sjednici, održanoj dana 05.05.2020. godine, d o n o s i

ZAKLJUČAK

I.

Zadužuju se ministarstva, uprave i upravne organizacije Zeničko-dobojskog kantona da Vladi Zeničko-dobojskog kantona, najkasnije do 12. maja 2020. godine, dostave detaljne informacije, sa svom popratnom dokumentacijom, o svim nabavkama provedenim od usvajanja Odluke o proglašenju stanja nesreće uzrokovane pojavom koronavirusa (COVID-19), na području Federacije BiH (V. broj: 408/2020), kao i kriterijumima na osnovu kojih je izvršen izbor dobavljača.

II.

Obaveza iz tačke I. ovog zaključka odnosi se i na sve institucije Zeničko-dobojskog kantona koje su u skladu sa zakonskim ili provedbenim propisima obavezne podnositi izvještaje Vladi ili Skupštini Zeničko-dobojskog kantona.

III.

Zadužuju se organi iz tačke I. i II. ovog zaključka, sve dok je na snazi Odluka o proglašenju stanja nesreće uzrokovane pojavom koronavirusa (COVID-19) na području Federacije BiH (V. broj: 408/2020), da Vladi Zeničko-dobojskog kantona dostavljaju detaljne informacije o svim izvršenim nabavkama i nakon utvrđenog roka u tački I. ovog zaključka.

IV.

Vlada Zeničko-dobojskog kantona poziva sve gradove i općine na području Zeničko-dobojskog kantona da na isti način predoče informacije o svim izvršenim nabavkama za vrijeme trajanja stanja nesreće uzrokovane pojavom koronavirusa (COVID-19).

V.

Pozivaju se organi iz tačke I. i II. ovog zaključka da informacije o provedenim nabavkama objavljuju na svojim web stranicama, radi upoznavanja javnosti i transparentnosti provedenih postupaka.

VI.

Zaključak stupa na snagu danom donošenja.

Broj: 02- 11-6139 /20

Datum, 05.05.2020. godine

Z e n i c a

DOSTAVLJENO:

1x Ured premijera,

1x Služba za zajedničke poslove,

1x Svim ministarstvima i drugim tijelima kantonalne uprave,

1x Svim institucijama, putem resornih ministarstava,

1x Svim gradovima i općinama na području Zeničko-dobojskog kantona,

1x Stručna služba Vlade-web stranica Zeničko-dobojskog kantona,

1x a/a.



PREMIJER

Mirza Ganić